



UNIVERSITÄTS-
BIBLIOTHEK
PADERBORN

Phosphorvs sive Ioannes Baptista nativitas, vita, mors

Cabilliau, Baudouin

Lovany, 1642

Emblema 26. Vento purgatur & igne.

[urn:nbn:de:hbz:466:1-70001](https://nbn-resolving.org/urn:nbn:de:hbz:466:1-70001)

8. Sulfure. Apud Iob est qui imprecatur im-
pio. Adspargatur tabernaculum eius sulfure.
Quod solum ardebit in orco pabulum eterno incendio.
Ob grauem odorem, ardoris acrimoniam, & horri-
bilem visu, & tactu flammam. Ignis ibi sulfur, &
spiritus procellarum. Facessant ergo nives, & ver-
mes ignei ab inferis, quos aliqui comminiscuntur.
Fateor tamen ibi conscientia edacem vermen semper
victurum.

9. Piceis. Pice torrentes ripas Virgilius Ache-
ronti adscribit.

Ioannes vox & aura, quæ ignem timo-
ris Dei ab orci incendio enatum
quasi flabello excitat. Quo igne si
quid impurum animis adhæserit, è
cordibus exurit.

Emblema 26.

Vento purgatur & igne.

1. Auri massa informis in
2. Fornace decoquitur in
3. Purum aurum.
4. Vultus in alis Cherubim
5. Igni ventum cen flabello adspirat, in
6. Deserto.
1. Animus rebus terrenis inuolutus,
2. Statu pœnitentia & arumnâ enitescit.
3. Timor imperfectus, in perfectum euadit
amorem.
4. Ioan.

4. *Ioannes Angelus dictus à Malachia c. 3.*
5. *Excitat ad sincerum Dei amorem suis monitis,*
6. *Procul ab hominum commercio.*

S Qualida gleba rubro iam sæpè recocta camino,
 Excludat precium diues, & auget opes.
 Ignea quid faciunt liquidis tormenta metallis?
 De grauido extorquent aurea dona luto:
 Sic & amoris opus stygio timor exprimit igne.
 Purus ab impuro pectore manat Amor.

N O T Æ.

1. *Auri massa. Plerumque aurum cum agnata terra concrefcit, & aded eâ inuolutum squallet; vt nobile metallum informem nigramq; glebam primo ad spectu quis iudicaret: Sic & cor aequæuo natura vitio implicatur, Itidem & anima, que cum fit nobilissima Dei imago, illique cœlestis origo, vti & ipsi auro ab Sole; tamen rerum terrenarum impuris, eâque nobilitate indignis desiderijs sic adherescit; vt nihil minus quam cœlestem in eâ speciem agnoscas. Aded è terra affectu, in ipsam quasi terram degenerat: & sic natiuus ille mitor, & diuine gratie splendor obsolescit. Quia nobilius ignobiliori miscetur, & adulterino contagio suam dignitatem violat. Hac vbi non, prò pudor! Indignitas? vbi non Ieremia querela & increpatio in cor prauū? Nec vspiam, nisi vti rara auri ramenta, perennis puritas (qualis in Ioanne) enitescit. Qui vel abs teneris vnguiculis ab omnium hominum improbo commercio segregatus vnus Dei sese addixit obsequio, & nullius rei alterius desiderio se teneri sustinuit.*

2. *FORPES*

Fornāx. Putidus sim, si velim huc è sacris libris plures fornaces struere & congerere: vna su mihi instar omnium. quæ nostrum Ioannem propius ni fallor, attingit, sed hæc quanam sit? quæso mihi differe. Apud Malachiam eam deprehendi. Vbi pluribus de hoc vate vaticinatur. An non ibi vides, & audis Malac c. 3. Ecce ignis conflans?

Quis autem ille ignis, nisi Dei timor quem improbis in animos excitat, fouet, accendit. Ille Angelus. Verbo æterno præuius. Qui passim clamat: Agite pœnitentiam, & imprecatur, quibus securis ad radicem sit posita, vt in infernum non vt Abiron, Core & Dathan exstincti in ipso terra hiatu; sed viui descendant; vt ex orci incendijs eas huc timoris scintillas deferant, vnde in meditatione sempiterni supplicij exardescat ignis, sed amoris & purioris in Deum affectus, & pulchritudo anima enitescat.

3. Vbi aurum in fornace purgatur, auripigmentum miscetur, & vnà concoquitur. Porro necesse est, ter, quaterue percoqui, quamdiu enim aurum ad purum non deliquescit, tamdiu non subsistit & quasi veneno misceri indignans despumat quasi in iras, aurum, seq̄ violari arguit: Sic vt omninò liquidus, & purus Dei euadat amor, opus est, & intentionem & ipsum opus, & cetera operi adherentia sincero affectu sæpè sapius quasi decoquere, & ab omni labe secernere.

4. Quid est Vox nisi aura volubili lingua flabello & impulsu palati expressa, dentibus distincta, lingua repulsâ, labijs effusa, & exclusa, qua sese vti ventus in orbem
diffundas

diffundat, ad aures appellat, & inde in obliquos aurium meatus deuoluta, sese cerebro menti que per sensum communem insinuat: vnde alius in animum illapsa, quis satis pro dignitate explicet, quos ibidem exciter ardores & tum maxime, vbi aliquē spiritus suo regit imperio, horribili terret exitij supplicio, & eam vni Sanctorum mentibus imprimis, qualem in S. Ioanne est deprehendere, vt eodem afflari spiritu, haectenus pristinus inuolutos vitijs pœnitentia salubri consilio, ad puriorem Dei amorem, & morum innocentiam tandem aliquando perducant. Et quasi in purum & ignitum aurum, tui Dei adspirat gratia, decoquant: Et iam, quorum impura sunt amplexi scelera, & secuti vestigia infelices eorum exitus perhorrescant. Sequē ipsos oderint, vt Deum ament.

Ioannes metu mortis iam, iam imminentis absterret impios ab mundi affectu, & impellit ad pœnitentiæ curam.

Imago 27.

Tempus agi rem.

1. Horologium, cuius
2. Campana caput mortis crystallinum, quod
3. Malleus minatur ferire.
4. Index pro radijs qui horas indicet, sagittas præcendit.
5. Sagitta grandior designat

6. Heras